



Broj: 16-12-16-4697-34/23
Istočno Sarajevo, 15.11.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH”, broj 66/16) i Izvještaja o toku i završetku e-aukcije od 10.11.2023. godine, nakon provedenog postupka po Rješenju Ureda za razmatranje žalbi, broj JN2-01-07-1-2558-9/23 od 04.10.2023. godine, na preporuku Komisije za provođenje otvorenog postupka javne nabavke goriva za motorna vozila za potrebe Državne agencije za istrage i zaštitu u 2023. godini broj 16-12-16-4697/23 od 13.11.2023. godine, direktor Državne agencije za istrage i zaštitu,
d o n o s i

ODLUKU

o izboru najpovoljnijeg ponuđača u postupku javne nabavke
goriva za motorna vozila za potrebe Državne agencije za istrage i zaštitu
za LOT-1, LOT-2, LOT-3 i LOT-5

Član 1.

U postupku javne nabavke goriva za motorna vozila za potrebe Državne agencije za istrage i zaštitu u 2023. godini (daljem tekstu: Agencija), putem otvorenog postupka, na preporuku Komisije za provođenje postupka javne nabavke goriva za motorna vozila za potrebe Agencije u 2023. godini (u daljem tekstu: Komisija), broj 16-12-16-4697/23 od 13.11.2023. godine, okvirni sporazum na period od tri godine dodjeljuje se za:

- **LOT-1** Nabavka goriva na području Grada Sarajeva i Ilidže, ponuđaču „NESTRO PETROL” a.d. Banja Luka, ponuda broj 16-12-16-4697-9/23 od 12.07.2023. godine, za ponudenu cijenu 100.100,00 KM bez uračunatog PDV-a, (3,61%) umanjenu prema rezultatima e-aukcije;
- **LOT-2** Nabavka goriva na području Istočnog Novog Sarajeva i Istočne Ilidže, ponuđaču „NESTRO PETROL” a.d. Banja Luka, ponuda broj 16-12-16-4697-9/23 od 12.07.2023. godine, za ponudenu cijenu 681.208,36 KM bez uračunatog PDV-a, (11,61%) umanjenu prema rezultatima e-aukcije;
- **LOT-3** Nabavka goriva na području Banja Luke, ponuđaču „HIFA-PETROL” d.o.o. Sarajevo, ponuda broj 16-12-16-4697-7/23 od 11.07.2023. godine, za ponudenu cijenu 85.315,00 KM bez uračunatog PDV-a, (10,02%) umanjenu prema rezultatima e-aukcije;
- **LOT-5** Nabavka goriva na području Tuzle, ponuđaču „HIFA-PETROL” d.o.o. Sarajevo, ponuda broj 16-12-16-4697-7/23 od 11.07.2023. godine, za ponudenu cijenu 87.015,00 KM bez uračunatog PDV-a, (10,76%) umanjenu prema rezultatima e-aukcije.

Član 2.

(1) Ponuđač „HIFA-PETROL” d.o.o. Sarajevo obavezan je ugovornom organu dostaviti dokaze o ispunjavanju uslova iz tač. 12.1. i 13.2. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-4697-1/23 od 17.05.2023. godine pokrenut je postupak javne nabavke goriva za motorna vozila za potrebe Agencije u 2023. godini za period od tri godine, procijenjene vrijednosti 1.240.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-1-1-102-3-25/23 od 23.05.2023. godine i u „Službenom glasniku BiH”, broj 38/23 od 26.05.2023. godine. Novčana sredstva za predmetnu nabavku su obezbijedena u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH”, broj 22/23) i Dokumenta okvirnog budžeta 2023.-2025. godina. Javna nabavka uvrštena je u Plan javnih nabavki roba i usluga Agencije za 2023. godinu pod brojem 5.1.2.

Predmet javne nabavke je sukcesivna isporuka goriva za motorna vozila Agencije, a prema niže navedenim LOT-ovima:

- LOT-1 u Gradu Sarajevu i Ilidži, procijenjene vrijednosti 120.000,00 KM bez PDV-a;
- LOT-2 u Istočnom Novom Sarajevu i Istočnoj Ilidži, procijenjene vrijednosti 800.000,00 KM bez PDV-a;
- LOT-3 u Banja Luci, procijenjene vrijednosti 100.000,00 KM bez PDV-a;
- LOT-4 u Mostaru, procijenjene vrijednosti 120.000,00 KM bez PDV-a;
- LOT-5 u Tuzli, procijenjene vrijednosti 100.000,00 KM bez PDV-a.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Obzirom da je tačkom 24. Tenderske dokumentacije navedeno da je rok za dostavljanje ponuda 12.07.2023. godine do 12:00 sati, te da se ponude dostavljaju u zatvorenoj koverti, Komisija je dana 12.07.2023. godine u 13:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristiglo sedam ponuda na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno je dostavljeno sedam ponuda, i to:

R.br.	Broj protokola	Naziv ponuđača	Datum i sat prijema ponuda
1.	16-12-16-4697-3/23	„HIFA” d.o.o. Tešanj	10.07.2023.g. u 12:39 ^h
2.	16-12-16-4697-4/23	„HOLDINA” d.o.o. Sarajevo	11.07.2023.g. u 09:09 ^h
3.	16-12-16-4697-5/23	„ENERGOPETROL” d.d. Sarajevo	11.07.2023.g. u 09:10 ^h
4.	16-12-16-4697-6/23	„HIFA-OIL” d.o.o. Tešanj	11.07.2023.g. u 10:35 ^h
5.	16-12-16-4697-7/23	„HIFA-PETROL” d.o.o. Sarajevo	11.07.2023.g. u 13:16 ^h
6.	16-12-16-4697-8/23	„PETROL BH OIL Company” d.o.o. Sarajevo	12.07.2023.g. u 10:21 ^h
7.	16-12-16-4697-9/23	„NESTRO PETROL” a.d. Banja Luka	12.07.2023.g. u 11:20 ^h

1.	„HIFA” d.o.o. Tešanj	LOT-1 sa ponudnim popustom 1%, 108.861,19 LOT-4 sa ponudnim popustom 1%, 107.173,24 LOT-5 sa ponudnim popustom 1%, 94.900,21
2.	„HOLDINA” d.o.o. Sarajevo	LOT-5=98.025,00
3.	„ENERGOPETROL” d.d. Sarajevo	LOT-1=109.308,00 LOT-4=108.815,00
4.	„HIFA-OIL” d.o.o. Tešanj	LOT-1=112.715,00
5.	„HIFA-PETROL” d.o.o. Sarajevo	LOT-1=112.455,00 LOT-2=778.900,00 LOT-3=94.815,00 LOT-5=97.505,00
6.	„PETROL BH OIL Company” d.o.o. Sarajevo	LOT-3=96.080,00
7.	„NESTRO PETROL” a.d. Banja Luka	LOT-1 sa ponudnim popustom 1%, 103.847,47 LOT-2 sa ponudnim popustom 1%, 770.644,21 LOT-3 sa ponudnim popustom 1%, 95.089,35 LOT-4 sa ponudnim popustom 1%, 104.508,49 LOT-5 sa ponudnim popustom 1%, 95.201,30

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji (u daljem tekstu: TD).

Uvidom u sadržaj dostavljenih ponuda, Komisija je utvrdila da ponuđači „HIFA” d.o.o. Tešanj (LOT-1, LOT-4 i LOT-5) i „NESTRO PETROL” a.d. Banja Luka (LOT-1, LOT-2, LOT-3, LOT-4 i LOT-5) ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju formalno-pravne uslove iz TD. Dalje, uvidom u sadržaj

dostavljenih ponuda od strane ponuđača „HOLDINA” d.o.o. Sarajevo (LOT-5), „ENERGOPETROL” d.d. Sarajevo (LOT-1 i LOT-4), „HIFA-OIL” d.o.o. Tešanj (LOT-1), „HIFA-PETROL” d.o.o. Sarajevo (LOT-1, LOT-2, LOT-3 i LOT-5) i „PETROL BH OIL Company” d.o.o. Sarajevo (LOT-3), Komisija je utvrdila da niti jedan od imenovanih ponuđača, u svojoj ponudi, nije iskazao popust u procentima (%). Tačkom 19. TD navedeno je sljedeće: „U cijeni ponude se obavezno navodi cijena ponude (bez PDV-a), ponudeni popust i na kraju cijena ponude sa uključenim popustom (bez PDV-a). U cijenu ponude bez poreza na dodatnu vrijednost moraju biti uračunati svi troškovi, s tim da se popusti moraju posebno navesti u procentu i ukupnom iznosu. Ukoliko ponuđač ne iskaže popust na način da je posebno iskazan u obrascu za cijenu ponude, smatraće se da nije ponudio popust i takva ponuda će biti odbijena kao tehnički nezadovoljavajuća. Popust na cijene goriva mora biti izražen isključivo o procentu (%), u suprotnom, njegova ponuda će biti odbačena. Iznos popusta je nepromjenjiv za vrijeme trajanja okvirnog sporazuma i isti će se primjenjivati pri svakom fakturisanju goriva. Odnos cijene nakon provedene e-aukcije i početne cijene iz obrasca za cijenu ponude, predstavlja popust koji će se primjenjivati tokom čitavog ugovornog perioda po cijenama važećim na dan isporuke, umanjene za preračunati popust, zbog čestih promjena cijena na svjetskom tržištu. Popust iz Obrasca za cijenu ponuda je obavezan i popust ponuđen na e-aukciji se preračunavaju i primjenjuju cio period važenja okvirnog sporazuma”. S tim u vezi, a cijeneći sve naprijed navedeno, nakon provedenog postupka pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u TD, Komisija je konstatovala da ponude ponuđača, „HOLDINA” d.o.o. Sarajevo (LOT-5), „ENERGOPETROL” d.d. Sarajevo (LOT-1 i LOT-4), „HIFA-OIL” d.o.o. Tešanj (LOT-1), „HIFA-PETROL” d.o.o. Sarajevo (LOT-1, LOT-2, LOT-3 i LOT-5) i „PETROL BH OIL Company” d.o.o. Sarajevo (LOT-3) ne ispunjavaju kvalifikacione uslove postavljene u TD, te da su ponude imenovanih ponuđača neprihvatljive. Komisija dalje nije uzela u razmatranje ponude naprijed imenovanih ponuđača, te se iste odbacuju, u skladu sa članom 68. stav (4) tačka i) ZJN.

Za postupak javne nabavke goriva za motorna vozila za potrebe Agencije, tačkom 21. TD predviđeno je provođenje e-aukcije, a u skladu sa odredbama Pravilnika.

Imajući u vidu da su za:

- LOT-1 od pet dostavljenih ponuda, dvije prihvatljive („HIFA” d.o.o. Tešanj i „NESTRO PETROL” a.d Banja Luka), Komisija zakazuje e-aukciju za dan 28.08.2023. godine sa početkom u 10:00^h, u trajanju od 20 minuta;
- LOT-4 od tri dostavljene ponude, dvije prihvatljive („HIFA” d.o.o. Tešanj i „NESTRO PETROL” a.d Banja Luka), Komisija zakazuje e-aukciju za dan 28.08.2023. godine sa početkom u 10:45^h, u trajanju od 20 minuta;
- LOT-5 od četiri dostavljene ponude, dvije prihvatljive („HIFA” d.o.o. Tešanj i „NESTRO PETROL” a.d Banja Luka), Komisija zakazuje e-aukciju za dan 28.08.2023. godine sa početkom u 11:30^h, u trajanju od 20 minuta.

Dalje, obzirom da je za:

- LOT-2 od dvije dostavljene ponude, jedna prihvatljiva („NESTRO PETROL” a.d Banja Luka);
- LOT-3 od tri dostavljene ponude, jedna prihvatljiva („NESTRO PETROL” a.d Banja Luka), e-aukcija se neće provoditi za navedene LOT-ove, u skladu sa članom 3. stav (3) Pravilnika, već se postupak za navedene LOT-ove okončava u skladu sa članom 69. ZJN, primjenjujući kriterij najniže cijene tehnički zadovoljavajuće ponude, u skladu sa tačkom 21. TD.

Prema Izvještaju o toku i završetku e-aukcije od 28.08.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT-1, LOT-4 i LOT-5, kako slijedi:

LOT-1

Redni broj	Naziv ponuđača	Vrijednost ponude u KM (bez PDV-a)	Rang
1.	„NESTRO PETROL” a.d. Banja Luka	101.060,00	1
2.	„HIFA” d.o.o. Tešanj	101.163,94	2

LOT-4

Redni broj	Naziv ponuđača	Vrijednost ponude u KM (bez PDV-a)	Rang
1.	„NESTRO PETROL” a.d. Banja Luka	99.475,00	1
2.	„HIFA” d.o.o. Tešanj	99.580,00	2

LOT-5

Redni broj	Naziv ponuđača	Vrijednost ponude u KM (bez PDV-a)	Rang
1.	„HIFA” d.o.o. Tešanj	88.820,00	1
2.	„NESTRO PETROL” a.d. Banja Luka	88.915,00	2

Nakon provedenog postupka e-aukcije, shodno Izvještaju o toku i završetku e-aukcije od 28.08.2023. godine za LOT-1, LOT-4 i LOT-5, Komisija je utvrdila da je za LOT-1, LOT-4 i LOT-5 bilo snižavanja cijene ponude kao kriterija za dodjelu ugovora. Nakon pregledanja dokumentacije priložene uz dostavljene ponude, Komisija je u smislu člana 65. st. (1) ZJN ocijenila ponude kvalifikovanih ponuđača, primjenjujući kriterij najniže cijene iz tačke 21. TD, te utvrdila da je ponuda ponuđača „NESTRO PETROL” a.d. Banja Luka ocijenjena kao najpovoljnija ponuda za (LOT-1, LOT-2, LOT-3 i LOT-4), dok je ponuda ponuđača „HIFA” d.o.o. Tešanj ocijenjena kao najpovoljnija ponuda za (LOT-5). Takođe, Komisija konstatuje da ponude imenovanih ponuđača ne premašuju procijenjenu vrijednost nabavke iz tačke I Odluke o pokretanju postupka javne nabavke goriva za motorna vozila u 2023. godini za potrebe Agencije. Cijeneći navedeno, a na preporuku Komisije broj 16-12-16-4697/23 od 30.08.2023. godine, direktor Agencije donosi, u skladu sa članom 70. st. (1), (2), (3) i (6) ZJN, Odluku o izboru najpovoljnijeg ponuđača u postupku javne nabavke goriva za motorna vozila za potrebe Agencije za LOT-1, LOT-2, LOT-3, LOT-4 i LOT-5, broj 16-12-16-4697-11/23 od 04.09.2023. godine (u daljem tekstu: Odluka), na koju je od strane ponuđača „HIFA-PETROL” d.o.o. Sarajevo (u daljem tekstu: Žalitelj), dana 14.09.2023. godine izjavljena žalba. Agencija je utvrdila da je žalba blagovremena, dopuštena i izjavljena od strane ovlaštenog lica.

Žalitelj je mišljenja da je Odluka Agencije koja je ponudu Žalitelja odbacila kao neprihvatljivu, neosnovana, te da je Agencija pogrešno i nepotpuno utvrdila činjenično stanje, kršeći odredbe ZJN. Žalitelj dalje navodi da u svojoj ponudi nije ponudio popust, što se jasno i vidi, ali da to ne može biti razlog da se ponuda proglasi neprihvatljivom, odnosno da Agencija ne može TD, uslovljavati ponuđače da nude popust u ponudi, te da je ponuda prihvatljiva samo ukoliko se isti ponudi. Žalitelj takođe navodi da je u TD navedeno da se popust iz obrasca za cijenu ponude i popust ponuđen na e-aukciji preračunavaju i primjenjuju u toku važenja Okvirnog sporazuma, iz čega proizilazi da bi popust prilikom e-aukcije, ako do

iste dođe, predstavljao popust koji će se primjenjivati sve vrijeme trajanja Okvirnog sporazuma. Žalitelj dalje ističe da ne bi koristio pravne lijekove propisane ZJN da je bio pozvan da učestvuje na e-aukciji i da mu je pružena mogućnost davanja popusta pa čak i da nisu licitirali, te da ga je po okončanju e-aukcije Agencija mogla eliminirati iz daljeg postupka nabavke. Takođe, navodi da je Agencija trebala pozvati Žalitelja na e-aukciju, obzirom da je ponuda Žalitelja u okviru procijenjene vrijednosti nabavke, te da bi na taj način Agencija dobila veću konkurenciju i bolji rabat, što bi dovelo do efikasnijeg korištenja javnih sredstava.

Agencija je razmotrila navode iznesene u žalbi i stanje u spisu, te je dana 19.09.2023. godine uputila Izjašnjenje na navedenu žalbu prema Uredu za razmatranje žalbi (u daljem tekstu: URŽ), broj 16-12-16-4697-18/23. Rješavajući po žalbi, URŽ donosi Rješenje broj JN2-01-07-1-2558-9/23 od 04.10.2023. godine, zaprimljeno na protokolu Agencije dana 16.10.2023. godine, broj 16-12-16-4697-21/23, kojim se žalba Žalitelja usvaja, i predmetna odluka poništava, čime se predmet vraća Agenciji na ponovni postupak za LOT-1, LOT-2, LOT-3 i LOT-5.

Postupajući po navedenom rješenju, Komisija je ponovo izvršila uvid u sve dostavljene ponude naprijed imenovanih ponuđača, te konstatovala da ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju formalno-pravne uslove iz TD.

Nakon uvida u dostavljene ponude i stanje u spisu, Komisija je konstatovala da je rok važenja pristiglih ponuda istekao, a koji isti je definisan u tački 23. TD (period važenja ponuda u predmetnom postupku nabavke 90 dana računajući od isteka roka za podnošenje ponuda). Uzimajući u obzir navedeno, Komisija se aktom broj 16-12-16-4697-23/23 od 24.10.2023. godine obratila svim ponuđačima, koji su dostavili svoje ponude za predmetni postupak nabavke, da pismenim putem daju saglasnost za produženje roka važenja svojih ponuda za još 60 dana u skladu sa članom 60. ZJN. Komisija je zaprimila tražene saglasnosti od strane svih ponuđača, učesnika u predmetnom postupku nabavke.

Dalje, obzirom na navedeno, Komisija se aktom broj 16-12-16-4697-31/23 od 01.11.2023. godine obratila Agenciji za javne nabavke BiH (u daljem tekstu: Agencija za JN), sa Zahtjevom za ponovno zakazivanje e-aukcije po predmetu broj 1161-1-1-102-3-25/23 od 23.05.2023. godine (Nabavka goriva za motorna vozila za potrebe Agencije), u skladu sa članom 7. st. (4) i (5) Pravilnika. S tim u vezi, Agencija za JN je za predmetni postupak nabavke zakazala e-aukciju za LOT-ove 1 i 5 na dan 10.11.2023. godine sa početkom u 12:00 časova odnosno u 12:30 časova u trajanju od 20 minuta, dok će za LOT-ove 2 i 3 e-aukciju zakazati Agencija obzirom da za navedene LOT-ove nije bilo e-aukcije u skladu sa članom 3. stav (3) Pravilnika, već su isti, na preporuku Komisije okončani u skladu sa članom 69. ZJN, primjenjujući kriterij najniže cijene tehnički zadovoljavajuće ponude, u skladu sa tačkom 21. TD. Nadalje, Agencija je zakazala e-aukciju za LOT-ove 2 i 3 dana 10.11.2023. godine sa početkom u 13:00 časova odnosno 13:30 časova u trajanju od 20 minuta. Cijeneći navedeno, za predmetni postupak javne nabavke na e-aukciji će učestvovati sljedeći ponuđači:

- **LOT-1**

- 1) „HIFA” d.o.o. Tešanj sa ponuđenim popustom 1% čija je vrijednost ponude 108.861,19 KM bez uračunatog PDV-a;
- 2) „ENERGOPETROL” d.d. Sarajevo čija je vrijednost ponude 109.308,00 KM bez uračunatog PDV- a;
- 3) „HIFA-OIL” d.o.o. Tešanj čija je vrijednost ponude 112.715,00 KM bez uračunatog PDV-a;
- 4) „HIFA-PETROL” d.o.o. Sarajevo čija je vrijednost ponude 112.455,00 KM bez uračunatog PDV-a;
- 5) „NESTRO PETROL” a.d. Banja Luka sa ponuđenim popustom 1% čija je vrijednost ponude 103.847,47 KM bez uračunatog PDV-a.

• **LOT-2**

- 1) „HIFA-PETROL” d.o.o. Sarajevo čija je vrijednost ponude 778.900,00 KM bez uračunatog PDV-a;
- 2) „NESTRO PETROL” a.d. Banja Luka sa ponuđenim popustom 1% čija je vrijednost ponude 770.644,21 KM bez uračunatog PDV-a.

• **LOT-3**

- 1) „HIFA-PETROL” d.o.o. Sarajevo čija je vrijednost ponude 94.815,00 KM bez uračunatog PDV-a;
- 2) „PETROL BH OIL Company” d.o.o. Sarajevo čija je vrijednost ponude 96.080,00 KM bez uračunatog PDV-a;
- 3) „NESTRO PETROL” a.d. Banja Luka sa ponuđenim popustom 1% čija je vrijednost ponude 95.089,35 KM bez uračunatog PDV-a.

• **LOT-5**

- 1) „HIFA” d.o.o. Tešanj sa ponuđenim popustom 1% čija je vrijednost ponude 94.900,21 KM bez uračunatog PDV-a;
- 2) „HOLDINA” d.o.o. Sarajevo čija je vrijednost ponude 98.025,00 KM bez uračunatog PDV-a;
- 3) „HIFA-PETROL” d.o.o. Sarajevo čija je vrijednost ponude 97.505,00 KM bez uračunatog PDV-a;
- 4) „NESTRO PETROL” a.d. Banja Luka sa ponuđenim popustom 1% čija je vrijednost ponude 95.201,30 KM bez uračunatog PDV-a.

Prema Izvještaju o toku i završetku e-aukcije od 10.11.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT-1, LOT-2, LOT-3 i LOT-5, kako slijedi:

LOT-1

R. br.	Naziv ponuđača	Vrijednost ponude u KM (bez PDV-a)	Umanjenje cijene	Rang
1.	„NESTRO PETROL” a.d. Banja Luka	100.100,00	3,61%	1
2.	„HIFA-PETROL” d.o.o. Sarajevo	100.302,00	10,81%	2
3.	„HIFA” d.o.o. Tešanj	100.406,00	7,77%	3
4.	„ENERGOPETROL” d.d. Sarajevo	103.431,16	5,38%	4
5.	„HIFA-OIL” d.o.o. Tešanj	112.715,00	0%	5

LOT-2

R. br.	Naziv ponuđača	Vrijednost ponude u KM (bez PDV-a)	Umanjenje cijene	Rang
1.	„NESTRO PETROL” a.d. Banja Luka	681.208,36	11,61%	1
2.	„HIFA-PETROL” d.o.o. Sarajevo	681.979,00	12,44%	2

LOT-3

R. br.	Naziv ponuđača	Vrijednost ponude u KM (bez PDV-a)	Umanjenje cijene	Rang
1.	„HIFA-PETROL” d.o.o. Sarajevo	85.315,00	10,02%	1
2.	„NESTRO PETROL” a.d. Banja Luka	85.410,19	10,18%	2
3.	„PETROL BH OIL Company” d.o.o. Sarajevo	96.080,00	0%	3

LOT-5

R. br.	Naziv ponuđača	Vrijednost ponude u KM (bez PDV-a)	Umanjenje cijene	Rang
1.	„HIFA-PETROL” d.o.o. Sarajevo	87.015,00	10,76%	1
2.	„NESTRO PETROL” a.d. Banja Luka	87.110,00	8,5%	2
3.	„HIFA” d.o.o. Tešanj	87.490,00	7,81%	3
4.	„HOLDINA” d.o.o. Sarajevo	91.765,10	6,39%	4


Nakon provedenog postupka e-aukcije, shodno Izvještaju o toku i završetku e-aukcije od 10.11.2023. godine za LOT-1, LOT-2, LOT-3 i LOT-5, Komisija je utvrdila da je za LOT-1, LOT-2, LOT-3 i LOT-5 bilo snižavanja cijena ponude kao kriterija za dodjelu ugovora, u skladu sa članom 8. Pravilnika. Nakon pregledanja dokumentacije priložene uz dostavljene ponude, Komisija je u smislu člana 65. st. (1) ZJN ocijenila ponude kvalifikovanih ponuđača, primjenjujući kriterij najniže cijene iz tačke 21. TD, te utvrdila da je ponuda ponuđača „NESTRO PETROL” a.d. Banja Luka ocijenjena kao najpovoljnija ponuda za (LOT-1 i LOT-2), dok je ponuda ponuđača „HIFA-PETROL” d.o.o. Sarajevo ocijenjena kao najpovoljnija ponuda za (LOT-3 i LOT-5). Takođe, Komisija konstatuje da ponude imenovanih ponuđača ne premašuju procijenjenu vrijednost nabavke iz tačke I Odluke o pokretanju postupka javne nabavke goriva za motorna vozila u 2023. godini za potrebe Agencije.

Imajući u vidu sve naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od tri godine za (LOT-1 i LOT-2) dodijeli ponuđaču „NESTRO PETROL” a.d. Banja Luka a za (LOT-3 i LOT-5) ponuđaču „HIFA-PETROL” d.o.o. Sarajevo kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima (7x);
- Sektoru za mat.-fin. poslove;
- a/a.


 D I R E K T O R
 GLAVNI GENERALNI INSPEKTOR POLICIJE
 Darko Čulum